

**Nang-ni
Man-gijani**

**Ka-dongchakna
Uano Maiaba
Dongkuengama?**



**Amazing Facts
Poraiani**

1



La ta-raken dingtangenggipa aro neng-nikanian gapgipa somoirango—jensalo pangkamgipa ku-rachakanirang aro naljokaniko man-na amjahaon; jensalo ka-dongchakna man-gipa gisikni gita dilgiparang tol-giparangsang on-g-a ine sakkiko man-on; jensalo tol-e sason ka-anirangkosan name nikaiahaon; jensalo nang-o ka-dongchakgiparang nang-ko saknaatrangon—nang-na maioba ka-dongchakna man-ani dongkuengama? Oe! Na-a chu-gimikan Sastroo ka-dongna man-a! Maina? Hai an-ching sakkiko on-aniko niate nina ...

1

Sastro an-tangni gimin maiko aganaha?

Sastro agana, “Pilak Sastro Isolni dongimin ong-a” (2 Timothy 3:16). “Maina katchinikani agana mandeni skachi pangnaba re-baja; indiba Gisik Rongtalgipani dilako man-gipa manderang Isoloniko agana” (2 Pitor 1:21). “Sastrorangko bingangatna man-ja” (Johan 10:35).

Aganchakani: Sastro Isolni dongimin ong-a, Gisik Rongtalgipachi dilako man-giparangni jakchi seaha. Uno segipa kattarangko bingangatna man-ja ba kakket ong-ja ine sakkiko on-na man-ja.

2

Maikai Jisu An-tangni Sastroo ka-donganiko aro bebero-aniko mesokaha?

Jisu aganaha, “Sea gnang, Mande pitaarichi tangjawa’ ... Aroba sea gnang, ‘Na-a an-tang Isol Gitelko dakmajonabe’ ... ‘Maina sea gnang, Na-a an-tang Isol Gitelko olakkibo, aro Ukosan manibo” (Mati 4:4, 7, 10). “Bebeo uamangko rongtalatbo; nang-ni kattan bebe ong-a” (Johan 17:17).

Aganchakani: Jensalo Jisu Satanchi dakmajoniko man-on Sastrooniko ra-e aganaha. Ua Sastroan bebe ong-a ineba aganaha (Johan 17:17). Jisu pilak An-tangni bil gnange skianiko Sastrooniko ra-e skianiko dakaha.





3

Maikai Sastroni katchinike agananirangko Isoloni ong-a inemesoka?

Sastro agana, Agan Jihova. ... Anga gitalrangko Aganprakgipa; uarang nikujaon uarangni gimin anga nasimangna agana.” (Isaia 42:8, 9). Anga Isol ... Abachengaonin bon-kamako aro da-oba dakkugijagiparango skang chasongrangoni intaltal aganprakgipa.” (Isaia 46:9, 10).

Aganchakani: Sastro mik kangchini obostarangni gimin agansoa jechin Sastroara Isolni dongimin ong-a ine chong-mot ong-aniko mesoka. Ka-mao on-sogminrang Sastroni katchinike sesoanirango chu-sokaha ine adita mesokanirangko dakaha:

- A. A-gilsakni songnok dambri ong-katgen: Babylon, Medo- Persia, Greece, aro Romrangna (Daniel 2, 7, 8).**
- B. Kairus dakgrikrakgipa ong-e Babylonko chegipa ong-gen (Isaia 45:1-3).**
- C. Babylonko nisiatani ja-mano, uano mande songdongtaijawaha (Isaia 13:19, 20; Jeremia 51:37).**
- D. Jatrangni gisepo Egypt mamungdakeba bilaktaijawa (Ezekiel 29:14, 15; 30:12, 13).**
- E. A-ao jatrangni duk aro gisikni bildingbildang ong-ani barirorogen (Luk 21:25, 26).**
- F. Bon-kamani salrango cholonni gita ong-siani aro gisikni gita tol-napani donggen (2 Timothy 3:1-5).**

4

A-gilsakni gimin Sastroni agananirangko scienceba chong-mot ong-a ine sakki on-ahama?

Sastro agana, “Nangni katani chugimikan bebean onga” (Gitrang 119:160).

Aganchakani: Oe, Gisik Rongtalgipa, jean Sastro segiparangko dilahachim, pangnan bebeko agana. Iano adita Sastroni agananirangni gimin scienceni bebe ong-aniko sakki on-aha:

A. “Ua mamungba grio a-gilsakko kadea” (Job 26:7). Ia scienceni gita chong-mot ong-aniko, Sastroni gitchambatsranggipa Jobni ki-tapo janapaha.

B. A-ani duulni kosako asonggipa Uan ong-a (Isaia 40:22). Gisik a-ningbitgiparangni bebe ong-a ine sakkiko on-na skangan Sastro a-gilsako ronggimik ong-a ine aganaha.

C. Ua balwako toaniko dakon” (Job 28:25). Scienceni sandirikite nina skangan, Sastro balwako jrimani donga ine aganaha.



5

An-sengbaljokani gimin Sastroni agananirangara da-alni a-gilsakni gita apsan ong-kuengama?

Sastro agana, “Ka-sara nang-ni janggini namroroa gitan, na-a pilakni gimin namrorochina aro an-sengchina anga bi-a.” (3 Johan 1:2).

Aganchakani: Isol An-tangni ong-atgiminrangko kusi ong-aniko aro an-senbaljoke donganiko nangnika. Sastroni an-sengbaljokani niamrangni gimin adita dakmesokanirangko kamao nikna man-gen jean Isolni Gisik dila ine saki on-a.

A. Na-a an-pile nang-oni ong-katgipako dapna nanga (Deuteronomy 23:12, 13). Mose ge-etaniko dakaha je be-enoni ong-katgipako Israelni a-tipni a-palo dapna nanga jean bilsa hajalsa somoina skangan ong-aha. Jensalo mandeni a-pal re-aniko namedake dape galjaode, sabisi jokenggipa chi gita ta-raken gipangna man-a. Sastroni ku-pattiani chasongjolnan million manderangni janggirangko jokataha.

B. “Aro an-ching til-ekjana” (1 Korinthingna 10:8). Til-ekaniara kragija bewalo me-asa me-chikni nangrimani ong-a (Levirangni 18 ko nibo). Ia Sastroni ku-pattianiko ja-rikanichi, manderang bi-sa oko keanirangna ba me-asa me-chikni kragija nangrimanichi sabisirangko man-na, jedake Syphillis aro AIDSna kenani aro jajrengani a-selrangko ong-ata.

C. Churing chupekaniko watgalbo (Toe Skianirang 23:29-32).

Sakantian ia Sastroni ku-pattianiko ja-rikode, million churing chupekgipa manderang gisik rakgipa, dakchakgipa songdongpagiparang ong-genchim; million be-gimin nokdangrang namgrimpilatani man-gnokchim; hajal churinge gariko chalaigiparangni janggi jokatako man-gnokchim; aro sorkario kam ka-giparang aro badingchiwalgiparang namedake rongtale chanchianirangko dake kam ka-na man-gnokchim.

U-ie Ra-bo: Isol maikai an-chingko chu-sokna nanga aro da-oroni neng-nikanirangni jatchio maikai katchaaniko man-gen ukosan aganaijaha, indiba Ua uko dakna man-na aiao in mangipa bilkoba an-chingna on-aha

(1 Korinthirangna 15:57; Philipirangna 4:13; Romrangna 1:16). Sastroni ansengbaljokani niamrang daalonaba apsankuaienga aro nangchongmotkkuenga. (An-sengbaljokani gimin bang-bate u-ina, Poraina Re-dilgipa 13ko nibo).

6

Sastroni serikanirangara tiktak ong-ama?

Sastro agana, “Anga, Jihova, kakket ong-aniko agana, kakket ong-anirangko anga Aganprakgipa.” (Isaia 45:19).

Aganchakani: Oe. Basakobarangde Sastroni itihaso badiaba kange ra-anirangna sakkirangko man-janaba donga, indiba Sastroni chong-mot bebe ong-ani sakkiko agantaitaianiko daka. larangni gimin u-ie ra-bo:

- A.** Bang-a bilisirangna Sastoara pangchakna man-gijagipa ong-a ine bebero-gijagiparang aganaha maina uano Hit asong **(Deuteronomy 7:1)**, aro songjinmarang jedake Nineveh **(Jona 1:1, 2)** aro Sodom **(Abachengna 19:1)** ni gimin janapaniko dakaha, jerangkon uamang dongja ine jegalaniko dakaha. Indioba da-ororoni cho-e am-e sandigiparang ia a-song damgittaman donga ine chong-mot ong-aniko sakki on-aha.
- B.** Jerikkigtiparang Belsahazzar **(Daniel 5:1)** aro Sargon **(Isaia 20:1)** ingipa manderang mamungsaloba dongja ine jegalahaoba, uamangni donganiko kakket ong-a ine changsatai mesokaha.
- C.** Sastroo Moseni gimin serikanirangko pangchakna man-ja ine ka-dongchakgijagiparang aganaha maina uano seaniko **(Reongkata 24:4)** aro rotrangni chakarangko janapaha **(Reongkata 14:25)**, jekon uni somoio uarang dongkuja ine uamang aganaha. Da-alo uarang dongaha ine an-ching uina man-aha.
- D.** Changsa somoioide sak 39 Israel aro Judani rajarangko Sastroni serikaoniko u-ina man-ahachim indiba jerikgigtiparang uamangni donganiko ka-dongchakna man-jaha. Jensalo cho-e am-e sandigiparang chengoni serikanirangko am-e man-ahaon bang-a rajarangni gimin janapaniko dakaha, Sastroo serikaniko tik takan ong-a ine changsatai sakkiko on-aha.



Sastroni manderang, biaprang, aro ong-a obostarang chong-mot ong-a ine gitalgipa am-e nikanirangko nikon Sastroko jerikgigtiparangni agananiara ong-ja ine changni changan sakkiko on-aha.

7

Maia gipin Sastroni kattani bebe ong-anirangko Isolsa donaha ine sakkiko on-aha?

Sastro agana, "Pilak Sastro Isolni dongimin ong-a" (2 Timothy 3:16).


Aganchakani: Sastroni dal-batsranggipa aiao inmananirangoni mingsara ku-cholsan nangrimani donganian ong-a. Ia aiao inmangipa chong-mot ong-anirangni gimin chanchie nibo.

Sastroni king 66 ki-taprangko indake seaha:

1. Sastroko rokom gittam dake seaha
2. Rokom gittam ku-sikrango seaha
3. Sak 40 dingtang dingtang manderangchi (jedake rajarang, mes nirikgiparang, gisik a-ningbitgiparang, ukilrang, sipai pamong, na-tok rim-giparang, kamalrang, aro oja) seaha.
4. 1500 bilsirangna bate seaha.
5. Ia jegrikaniko ong-atgipa katta mingsa ong-a.
6. Bang-bata obostrangon manderang saksa sakgipin baksa gronggrikja
7. Ki-tapko segiparangni poraia skianirang aro janggi tanganirang namen dingtanggrikaha.



*Jensalo ua kingbri Nama Kattarango,
uarangko seanirango basakoba apsankon
dingtanggrike seahachim, kingsa kinggipin
baksa miligijani pal nangrimgrikanisa donga.*





lani gimin chu-gimik chanchisokna man-jaoba, king 66 ki-taprang kingsa kinggipin baksa meliani aro nangrimani donga. Aro jensalo gitalgipa chanchianirang maiaba miksongani aro chanchianiko dakon, gipin Sastroko segiparangni apsangipa chanchianiko gamchatgija dake raja ba chonnikja.

lan bebero-na amsokpilgijani ong-a! Apsan ong-a obosta ong-ani gimin aganani gipin manderangni nikaniko sing-bo, na-a uamangni golporangoniko aditana dintanggrikaniko nikgen. Sastroko sak 40 segiparangchi bilsa 1500 batpile segenchimoba, gisiksan ong-e seani gita poraina man-aha. lan ong-chongmota, “Gisik Rongtalgipani dilako man-gipa manderang Isoloniko agana” **(2 Pitor 1:21)**. Gisik Rongtalgipa uamang pilakkon jakkalaha; Uan Sastroko chong-mot segipa ong-a.

8

Maidakgipa Sastroni gimin gisik nangatani sakkiko manderangni janggi tanganirango nikna man-aha?

Sastro agana, “Uni gimin, saoba Kristoo dongode, ua gital dakgimin onga; gitchamrang gimaaha, nibo uarang gital onga?” **(2 Korinthingna 5:17).**

Aganchakani: Jisuko ja-rigiparangni aro Sastroko manigiparangni janggi tanganio dingtanganirangan Sastroko Isolni dongimin ong-a ine bebero-na man-gipa sakkirang ong-a. Chu ringgipa mande mikrake dongaha; cholono ong-sigipa mande rongtalgipa ong-aha; pekgipa mande jakgitelgipa ong-aha; Isolko kal-stapako mandera-aha; kengokgipa mande ka-donggipa ong-aha; aro ka-namgijagipa mande ka-sachakgipa ong-aha.



Jensalo an-ching Messiani re-baani gimin Niam Gitchamo katchinike seanirangko Niam Gitalo Jisuni janggi tanganio obostarangko tosusagrike nion Sastroara Isolni dongimin ong-a ine maia sakkiko nikna man-a?

Baibel no pi, "Muse launo huthuno tungkupumiqo kumtsuno Kuchoyehsu lo thimeqo Pa ghenguno kiu pipuatsu anikeno tipaqo kumtsu pesu Jisu no panongu vilo kishekulushi pitsu" (Luk 24:27). "Apolos no akumtoshi aqo gizulono Judahmiqo lachile eno Kuchoyehsu lo Jisu no Khristo ke ipi tsupakeu ghili pesu panongu lau pephe piyesutsu" (Apostolmi 18:28).

Aganchakani: Niam Gitchamo Messiani gimin agansoniana inditan dingtangmchagipa aro namen rongtalbea aro Nazarethni Jisuchi chu-sokataha je Jisu aro Apollos sakgnian Jisuko Messia chong-mot ong-a ine ia katchinike agananirangko jakkalaha. Uano ia katchinike seanirang ming 125 na baten donga. Hai an-ching uarangni ming 12 ko nipilate nina:

Katchinike Aganani	Niam Gitchamo Agansoani	Niam Gitalo Chu-sokani
1. Bethlehem Atchia	Mika 5:2	Mati 2:1
2. Me-traoni Atchia	Isaia 7:14	Mati 1:18-23
3. Daudni Ma-chong	Jeremia 23:5	Parape-a 22:16
4. So-otna Miksongani	Jeremia 31:15	Mati 2:16-18
5. Ripentangchi pale cha-a	Gitrang 41:9	Johan 13:18, 19, 26
6. Rupa tong 30na pale cha-a	Zekaria 11:12	Mati 26:14-16
7. Chisolo datkapa	Zekaria 12:10	Johan 19:16-18, 37
8. Uni gandingrangna chitti kal-a	Gitrang 22:18	Mati 27:35
9. Greng dotsaba be-jaha	Gitrang 34:20	Johan 19:31-36
10. Man-e chagipani rong-kolo gopaha	Isaia 53:9	Mati 27:57-60
11. Uni siani bilsil, sal aro konta	Daniel 9:26, 27; Reongkata 12:6	Mati 27:45-50
12. Salgittamni jamano chakatpila	Hosea 6:2	Watatarang 10:38-40

Maidakgipa ong-ronggijanirangko Jisu mingchigni katchinikanirangchi maibadake chu-sokatna man-genchim? Dr. Peter Stoner, Californiao donggipa Pasadena Collegen Mathemetics, astronomy aro engineerni skango ong-gipa Chairman, ia sing-anina ong-susu dake niki gipa niamko jakkale niaha. Ua mande saksachi 1,000,000,000,000,000,000,000,000,000,000,000,000,000,000 somoio matchotataniko hisap ka-e niaha. Messiani gimin 125 katchinike agansoanirang badiarang meligijanirang ong-genchim jean maibadakesan chu-sokaiaha? Ian altubea maina mamungba maibadakede ong-gakna man-ja!

10

Isolni dongimin kattarang ine Sastroko ra-chakgipa mandena maia namgniko man-ani donga?

Sastro agana: "Tangbanggiparangna bate anga ma-sibata. Maina nang-ni ge-ete donanirangko anga rakkiaha." (**Gitrang 119:100**). Nang-ni ge-etanirang angko u-ibatata." (**Gitrang 119:98**). Maina a-ana bate salgirang chubata gita, ... na-simangni chanchianirangna bate Angni chanchianirang chubata." (**Isaia 55:9**).

Aganchakani: Je mandean Isolni kattako ra-chaka bang-a ning-tuanirangna aganchakanirangko nikna man-gen. Toatna gita, janggi griani janggi ong-na man-ja; janggiko Abachengatnade bilakbatsranggipa Isolni bilko nanga ine Sastro agana. Gisik a-ningbitgiparangba da-o u-ina gita man-aha je da-alo pilak mandeni janggian me-chikoni re-bara; iani giminan Abachenga ki-tapo Sastro skianiko daka.

Na-a u-ina gitaba man-a je Isol a-gilsakko saldoko ong-ataha, chong-motan, konta 24ni salrang; a-gilsakni chi dubiano sagalni janggi gnanggipa aro ringo donggipana agrede pilak janggian nisiataniko man-aha; Babel nokko rikani ja-manosa dingtang rokom ku-sikrangko aganna Abachengaha.

Isol, jean pangnan dongkama aro pilakkona u-igipa ong-a, ia bebe ong-anirangko Sastroo an-chingna suale on-aha, jekon ang-tangaride an-ching mamungdakeba uarangko u-iatna man-jawa. Isolni u-ianiko, "Sandina amgijani ong-a." (**Romrangna 11:33**). Sastroko bebero-bo, aro unode na-a pangnan mandesan ong-aigenchimoba u-ianio skanggipa ong-gen.



Maidakgipa ru-utgijasan ong-gipa obostarang Sastroni bil aro mol-molaniko rongtale nikaniona ra-baaha?



Aganchakani: Sastrochi agansogipa ong-telaigipa nisiatanirangni batroroanirang aro a-gilsak gimikchin bobil dake chakatanirangan chinrang ong-a, jean bon-kamani somoini gimin indake aganaha, “Aro aiao jatrangni duk, aro sagalni aro chi pokpekani gimin gisik bilding bildang ong-gen.” (Luk 21:25). December 24, 2004 ni tsunamian, mingasa mesokani ong-aha. Sak 250,000 manderang baten siaha ba gimaaha ine u-iataniko dakaha jean da-ororoni itihaso, mingasa kenbatsranggipa ong-telaigipa nisiatani ong-aha. Bilsisan ja-mano, Katrina minggipa balmanduri New Orleans songjimakko bak dakataha, jean Jisuni katchinike agansogipa kattarangara “chi pokpekani ga-mani gita ong-ahachim.”

Sastaroo agansamsoanikoba dakaha je “Maina jat sara jat sana chakatgen.” (Mati 24:7). World Trade Center chugipa nokko September 11, 2001 bilsio nisiataniko dakani ja-mano,arang a-songba chong-mot ong-edo naljokani dongjaha ine manderang u-ina man-aha. Middle East o nangtinggrikani ong-engon aro bobil dakani batroroengon Sastrosan bilakani aro ka-dongani ja-pang ong-a ine manderang nikna man-aha.

Mitam manderang Sastroni gimin sing-aniko dakaha maina a-gilsakara “maiobani ong-bara” ine aganani pal uko ong-ataha ine agana. Jisu sing-aha, “Indioba mande Depanten re-bao a-gilsako bebero-aniko man-egenma?” (Luk 18:8). Maiobani ong-bara ine skianiko da-ode bang-en ra-chakna man-jajok. Mesokatna gita, Molecular biology mesokaniko on-a je ge-sangipa cellara janggi tangani Abachenganiko ong-jasusu dake nikatanisan ong-aia, indiba ian ong-na amgijani ong-a.

Uni giminsa bang-an skango Isol donga bebero-gijagiparang Fred Hoyle and changsao denggugipa Isol donga ine bebero-gijagipa Antony Flew baksana agilsakko ongataha ine dao bebero-skaha, jean indake aganaha, “Isol donga gisiko nangatgipa agananirangara scienceni gita am-e sandie nikanirangon ong-a.

Maiobani ong-bara ine skianiko daka je mandeni jatrang aro makkrerangara apsan atchu ambioni ong-bara, uamang mandeko Isol ong-ataha aro nang-o chong-motgipa miksongani donga: aro Isol baksa jringjrotna dongna man-ani gimin jegalaniko daka. A-gilsakko maiobani ong-bara ine am-e sandianio chu-sokgijani baksa Sastroni katchinike agananio chu-sokanian, nang-ni bebero-aniko Isolni Kattao mangrakatna dakchakgen.



12

Maina Sastroara baikamgipa kusi ong-aniko aro tom-tomaniko nang-na on-na nambatsranggipa chol ong-a?

Sastro agana, "Nang-ni katta angni ja-arangna chaki. (**Gitrang 119:105**). "Angni katchaa maikai na-simangon ong-gen, aro na-simangni katchaa maikai chu-sokgen ..." (**Johan 15:11**). "Aro Isol an-tangni jagring gita mandeko ong-ataha ..." (**Abachenga 1:27**). "Uandake manderangni mikkango na-simangni senga teng-suchina, maikai uamang na-simangni nama kamko nike na-simangni salgio donggipa Paako rasong chaatna man-gen." (**Mati 5:16**). Anga re-ange na-simangna biapko daksoode, indide re-bapile na-simangko An-tangona rimanggen; maikai Anga jeo donga, na-simangba uanon dongna man-gen." (**Johan 14:3**).

Aganchakani: Maina ian janggi tanganio jajaani aro neng-nikanian gaggipa sing-anirangna aganchaka.



A. Angara banoni re-bara?

Isol an-chingko Uni bimango ong-ataha; an-ching miksonga gri ong-gakbaia ong-ja. Anchingara Isolni dedrang ong-a (**Galatirangna 3:26**). Uni dedrang ong-e, nambate, Una gamchatgiparang ong-a aro Ua an-chingko An-tang baksa jringjrotna ong-china nangnikenga.

B. Maina angara iano dongenga? Sastro agana an-chingni da-allo janggi tanganio miksonganirangara Isolni chu-sokani gimin am-sandie nianian ong-na nanga, jean janggi tanganio neng-nikanina kragipa aganchakani ong-a aro paponi janggi jokna Jisuni indin on-aniko ra-chakna, aro salantion Ugita ong-batrorona man-gen (**Romrangna 8:29**).

C. Maia angna mikkangchi ka-dongani donga? Na-a chanchichipsona nangja! Na-a da-allo tom-tomani aro katchaaniko bang-bate man-aiasan ong-aijawa, indiba ru-utgijan Jisu An-tangni manderangko salgio Uni biap tarisoenggipa aiao inmangipa nokona rimna re-bapilgen ine Sastro agana (**Johan 14:1-3**). Chong-motgipa katchaani aro kusi ong-anide, na-a pangnan Isolni mikkango dongna man-gnok (**Parape-a 21:3, 4**).

13

Na-a Isolko janggi tanganio jajabatsranggipa sing-anirangna ka-sae aganchakanirangna mitelama?

Nang-ni Aganchakani:

Nang·ni Sing·anirangna Aganchakaha

1. Maina Sastoara manderangni papni gimin aiao inmanpile talataniko dakaha?

Aganchakani: Papara Isolna namen misilngipia ong-a, aro Ua an-chingko An-tang gitan papni kosako bobil dakpilaniko nangnika. Nama aro namgijani gimin indakgipa golporangko man-chapataniara Sastrona namgipa de-mitelanikoba ra-baani ong-a. Sastroara ka-dongchakna man-gipa ong-a ine ian manderangna ka-donganiko on-a; ian mamungkoba donmitapa grigipa ong-a. Manderang namen papibegipa ong-a aro Isol uamangko mamungdakeba jokatna man-jawa ine ian Satanni manderangko bebera-atna miksangani ong-achim. Indakgipa obostao ga-akgipa manderangko Isol paponiko jokatna ama ine Sastrooniko mesokon katchaani uamangni kosakona re-baskara (**Romrangna 15:4**).

2. Sastro chu-gimikan Isolni dongimin ong-ama—ba unoni mitam bakrangsan ong-a?


Aganchakani: “Pilak Sastro Isolni dongimin ong-a, aro skiana, manengana, ga-akgiminrangko chakatatana, toromo skiana namgni ong-a” (**2 Timothy 3:16**). Sastro Isolni kattarangsan dongaija—lan Isolni Katta ong-a. Sastroan mandeni janggi tanganina u-iatgipa aro chalaigipa ong-a. Uko galchipanio na-a nangai nangjae neng-nikanirangko chagronggen.

3. Gitcam kitapo pangchakna naljokgijani dongama jekon an-chingni saloniko chel-ataha?

Aganchakani: Ong-ja. Sastroni chasongan Isolsa donaha ine sakkirangoni mingsa ong-aha. Indake agan, “Indiba Gitelni katta jringjrotna dongkama” (**1 Pitor 1:25**). Sastroara rong-brak gita kimkim chadenga; iako gimaatna man-ja. Manderang aro a-songrang gimikan wa-alchi so-aha, champenganiko dakaha, aro Sastroko gamchatnikjana kamko ka-aha, indiba uamang an-tangtangsia nisiataniko man-skaaha. Uamangni re-angani aditani ru-utani ja-mano, Sastroan nambatgipa aro palna man-batgipa ki-tap ong-aha jekon man-na sikkame dongaha. Uni kattarang Isolni on-gipa kattarang ong-a jean da-alonaba cholikkua. Uko na-a poraina skang, Isolo bi-chengbo jedakode na-a poraion Isol nang-ni ka-tongko oprake on-gen.

4. A-gilsako bang-a gisik seng-gipa manderang darangba Sastroko ma-sina gita man-ja ine babera-a. lan chong-motgipa Isolni ki-tap ong-ode, darangba uko ma-sina amgijani ong-ama?

Aganchakani: Gisik seng-gipa manderang jerangan pilakkon u-ina man-oba Sastroko poraiode bukan jajaanio ong-rongataka man-aha. A-selde gisiknirangko “gisikchi am-e niani ong-a” (**1 Korinthingna 2:13, 14**). Je gita sengoba Kattani ning-tuanirangko a-gilsakni gisikchi mamungdakeba u-ina amsokgja. Mande Isolko kakket bebeo am-jaskalde, ua Isolnirangko u-ina man-ja. Gisik Rongtalgipasa, Sastroko talatna dakchaka (**Johan 16:13; 14:26**), jekon a-gilsakni gisikchi u-ina amsokgijani ong-a. Minggipin gita agangenchimode, je mandean skia man-jaoba, an-tangko onate, Sastroko poraia, aiao inmangipa u-ianiko Gisik Rongtalgipaoniko man-gen (**Mati 11:25; 1 Korinthingna 2:9, 10**).



5. Sastroara gualanirangan gapaia ine mitamrang agana. Maikai ian Isolni kattarang ong-a ine je mandeba bebera-na man-gen?

Aganchakani: Sastroo bang-en gualanirang donga ine agananiara jerikitgiparangni ong-gija dake bichal ka-anirangko ba ma-sisokgijanirangkosan mesokaha. Uarang gualanirang ong-ja, indiba bebeko ma-sisretanisan ong-aia. Sastro Isolni katta onga:

1. Uan nang-na pangnan bebeko agangen
2. Uan nang-ko mamungdakeba dilsretjawa
3. Chu-gimikan ka-dongchakna man-gen
4. Ian gisikni, itihasni, aro scienceni gita pangchakna man-gipa aro bil gnanggipa ong-a.

Ian bebe ong-a, maina badiabarangode, segatmitingo iano aro uano dake chonchona kattako ba onggoko ong-gija dake segataha, indiba indagipa chanchipaniara ba matnanganiara Isolni Kattani chong-mot ong-aniko bilgriatjaha. Bebera-aniko Sastroni kattao rikjaha, indiba chu-gimik Isolni on-gipa mongsonggipa kattaosa rikaha. Beben, Sastroni mitam kattarangko nangrimatna neng-beani ong-a. Uano pangnan ka-dongchakna man-gijani biap dongronga. Jeba ong-bo, gualanirangko chu-gimik talataniko dakkuja ine matnangani dongoba bon-chotaode batanggimin somoio gitan nampilataniko dakgen. Manderang baditana Sastroko gimaatna rake kamko ka-a, inditan uni teng-aniara teng-subatrorogen.

Nang.ni agananiko ba sing.anirangko iano sebo



01



02



03



04



05



06



07



08



09



10



11



12



13



14

Poraiani lesson 14 rangoni ia lesson sa ong-a!

Lesson prakan chong-motgipa alao inmanirang baksa gapatako man-aha jean nang-ko aro nang-ni nokdangko dingtangtangen aro nang-na baikamgipa ka-donganiko ra-bagen.

Mingsakoba watchangalnabe!

Poraiani 01: Nang-ni Ka-dongchakna Man-gijani Uano Maiaba Dongkuengama?

Poraiani 02: Isol Diabolko Ong-atahama?

Poraiani 03: Sina Nangaoniko Jokataha

Poraiani 04: Bangbango Donggipa Mingsinggipa Songjinma

Poraiani 05: Kusi Ong-gipa Bia Ka-ani Chabirang

Poraiani 06: Rong-plengo Seaha

Poraiani 07: Itihasni Gimagimin Sal

Poraiani 08: Bon-kamgipa Naljakatani

Poraiani 09: Rongtalani & Bil!

Poraiani 10: Sianiara Sibebani Ong-ama?

Poraiani 11: Diabolara Norokko Nirok Simsakgipa Ong-ama?

Poraiani 12: 1,000 Bilsirangna Tom-tomani

Poraiani 13: An-sengbaljokanina Isolni Indin On-gipa Daksamsoani

Poraiani 14: Katta Maniara Niamko Kingkot Dake Manianima?

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. Sastroara Isolni kattarang ong-a ine badia katchinike agananirango chu-sokaha ine chong-mot ong-aniko mesoka? (4)

Kyrus Babylonko rim-gittanggen.
George Washington United Statesni President ong-gen.
Egypt a-song mamungdakeba bilagipa, dilgipa a-song ong-taijawaha.
Bon-kamani salrango toRomrangna aro cholonni gita ong-sirooanggen.
Germany bilsa 20na sal rakchanggen.
Nisiatgimin, Babylon, manderang dongtaijawaha.

2. Jisu An-tangni Sastroo bebara-aniko iachi mesokaha (1)

Mongsonggipa skianiko gam-e agana
Ua skiaha gita unoniko ra-e agana
Bebara-na man-gijagiparangni kosako wa-alko ga-akdapchina okamaha.
ToRomrangna nokni jang-kirangoni u-iataniko dakaha.

3. Iarangoni badiako Sastroo janapa ine scienceba bebe ong-aniko janapaha? (2)

A-gilsak romgimik ong-a
Balwao jriani donga
Chini formulara H O ong-a
Sagalni chiara kari nanga.

4. An-sengbaljokani niamrangoniko badiako Sastroo nikna man-a? (2)

Salantio chi gallon briko ringbo.
Pekagtiga chu ringaniko watbo.
Salantian pring attam katbo.

Til-ek an-chaaw bewaloniko an-tangko rakkibo.

5. Ka-mao janapgipa agananirang Sastroko bebe ong-a ine mesoka? (3)

Sak 40 ni gita manderang Sastroko sena dakchakaha.
Sastroko 10,000 bilsirangna baten seaha.
Sastroni mitam bakrangsan Isolni kattarang ong-aha.
Chong-motgipa Sastroko segipa Gisik Rongtalgipa ong-a.
Sastroan nambatsranggipa palna man-gipa ong-a.

6. Ka-mao on-sogiminrangoni badia Messaiani janggi tangani gimin Sastro agansoa? (3)

Nazaretho atchigen.
Salgichina bilangronggen.
Rupa dot 30 na palgen.
Uko so-otna Herod jotton ka-gen.
Chisolso datkapako man-gen.
Sni bilsirangni ja-mano janggiona tangchaatpilgen.

7. Sastroni badia niamko ja-rikode AIDS sabisiko man-jawa? (1)

Til-eknabe.
Kitgimin bimangrangko olakkinabe
Salantio cha-aniko cha-jringbo.

8. Ka-mao on-sogipa agananirangoni badiarang a-gilsakko maiobanisa ong-bara ine agana? (2)

Ian sakki gri skiani ong-a.
Ian Kristian bebaraaniko bilgriata.
Manderang aro makkrerangara apsangipa atchu ambirangoni ong-a ine ian sakkiko on-a.

9. Ka-mao badiagipa agananirang Sastroko Isolni kattarang ong-a ine sakkiko on-na dakchaka? (5)

Mandeni janggi tanganiranko seanirang nama namgijagipaba donga.

Ian ja-rikkiparangni janggi tanganiranko dingtangata.

Niam Gitchamni Messiani gimin katchinike agansoaniranko Jisuchi chu-sokataha.

Ian dambri songnokrangni chakataniko agansoaha.

Iano aiao inmagipa ku-cholsan ong-ani donga.

Ian Jisuni gnigipa re-bapilani sal aro kontakto agana.

10. Sastro gitade Isol a-gilsakko, konta 24, saldokni salrangno dakaha. (1)

Bebe

Tol'a.

11. Noahni salo, a-gilsak gimiko chi dubiani somoio, sagalo janggi nganggipa aro ringo donggipana agrede pilak janggi nganggiparang nisiataniko man-aha. (1)

Bebe.

Tol'a.

12. A-gilsakni dingtang dingtang ku-sikrang Babel Nokko rikaonisa Abachengaha. (1)

Bebe

Tol'a

13. Janggi tanganio jajaani ong-gipa sing-anirangna chong-motgipa aganchakaniranko on-ahanina anga Isolko mitela.

Bebe.

Tol'a.

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :				
Nang.ni Email :				
Phone Number :				
Nang.ni Address :				
City, District :		State :		Country :
Pin :		Bils :		Misi :

Nang.ni contact info-ko tik dake on.bo